

鄆陵文獻志卷二十九

鄆陵蘇源生菊邨纂

人物志六

武功

晉

庾東

晉中興書庾東以勇力聞世祖時西域遣一使胡趨
趨勇果自謂無敵晉人不敢與校世祖募求勇敢之
士唯東應選遂撲殺胡勇聞殊俗

引見太平御覽

五代

文獻志

卷二十九

一

馬殷

五代史楚世家馬殷字霸圖許州鄆陵人也

蒙按舊五代史

云馬殷少為木工又按三楚新錄云殷上蔡人通鑑云扶溝人疑皆非實唐中和三年蔡

州秦宗權遣孫儒劉建峯將兵萬人屬其弟宗衡略地淮南殷初為儒裨將宗衡等攻楊行密於揚州未克梁兵方急攻宗權宗權數召儒等儒不欲還宗衡屢趨之儒怒殺宗衡自將其兵取高郵遂逐行密行密據宣州儒以兵圍之久不克遣殷與建峯掠食旁縣儒戰敗死殷等無所歸乃推建峯為帥殷為先鋒轉攻豫章略虔吉有衆數萬乾甯元年入湖南次醴

陵潭州刺史鄧處訥發邵州兵戍龍回關建峯等至關降其戍將蔣勛建峯取勛鎧甲被先鋒兵張其旗幟直趨潭州至東門東門守者以爲關兵戍還開門內之遂殺處訥建峯自稱留後僖宗授建峯湖南節度使殷爲馬步軍都指揮使蔣勛求爲邵州刺史建峯不與勛率兵攻湘鄉建峯遣殷擊勛於邵州建峰庸人不能帥其下常與部曲飲酒灌呼軍卒陳瞻妻有色建峯私之瞻怒以鐵搥擊殺建峯軍中推行軍司馬張佶爲帥佶將入府乘馬輒踶齧傷佶髀佶卧病語諸將曰吾非汝主也馬公英勇可共立之諸將

文獻志

卷二十九

二

乃共殺瞻磔其屍遣姚彥章迎殷於邵州

九國志云劉建峯遇

害張佶傷髀不能視事佶與彥章首議迎殷遂遣彥章率所部迎殷於邵州殷初疑之猶豫未卽還彥章入白殷曰劉龍驤張行軍與足下同功一體之人也
不幸龍驤有不測之禍行軍以髀病廢是天意人望歸於足下何遽疑也殷釋然遂令彥章統衆先歸國內既定翌日殷至代立
殷至佶乘肩

輿入府殷拜謁於庭中佶召殷上乃率將吏下北面再拜以位與之時乾甯三年也唐拜殷潭州刺史殷遣其將秦彥暉李瓊等攻建邵彬衡道永六州皆下之桂管劉士政懼遣其將陳可璠王建武等率兵守全義嶺殷遣使聘於士政使者至境上可璠等不納殷怒遣瓊等以兵七千攻之擒可璠等及其兵二千

餘人悉阮之遂圍桂管虜士政盡取其屬州殷表瓊

桂管觀察使四年拜殷武安軍節度使

九國志云乾甯四年淮南

楊行密遣使來通好以梁祖擅朝政願與殷為兄弟之國以絕梁殷欲許之許德勳諫曰行密盜據淮甸抗衡中國明公義修職貢於朝為附庸一旦棄之前功盡廢他日朝廷問罪江表以我為同惡即王師先至湖上矣不如拒絕之乃心

行密遣其將劉存等攻

杜洪圍鄂州殷遣秦彥暉許德勳以舟兵救之已而

杜洪敗死存等遂攻殷殷遣秦彥暉拒於上流偏將

黃璠以舟三百伏瀏陽口存等屢戰不勝乃致書於

殷以求和殷欲許之彥暉曰淮人多詐將怠我師不

可信急擊之存等退走黃璠以瀏陽舟截江合擊大

文獻志

卷二十九

三

敗之

三楚新錄云楊行密據有淮南聞其建國遣舟師數萬伐之比至城下殷登樓指麾一鼓而破

其兵伏屍流血湘水為之丹焉自是四方懾伏無敢侵之劉存及陳知新戰死彥

暉取岳州梁太祖即位殷遣使修貢太祖拜殷侍中

兼中書令封楚王荆南高季昌以兵斷漢口邀殷貢

使殷遣許德勳攻其沙頭季昌求和乃止楊行密袁

州刺史呂師周來奔師周勇健豪俠頗通緯候兵書

自言三世將家懼不能免常與酒徒聚飲醉則起舞

悲歌慷慨泣下行密聞之疑其有異志使人察其動

靜師周益懼謂其裨將綦母章曰吾與楚人為敵境

吾常望其營上雲氣甚佳未易敗也吾聞馬公仁者

待士有禮吾欲逃死於楚可乎章曰公自圖之章舌
可斷語不泄也師周以兵獵境上乃奔於楚纂母章
縱其家屬隨之殷聞師周至大喜曰吾方南圖嶺表
而得此人足矣以爲馬步軍都指揮使率兵攻嶺南
取昭賀梧蒙龔富等州殷表師周昭州刺史三楚新錄云嶺
外廖光圖自昭陽叛舉族來奔其部曲隨而至者數
千人殷以其豪而衆多將拒而不納或有諫者曰廖
者料也馬得料必肥是家國強霸之兆何爲而拒之
遂待之以禮因命光圖爲永州刺史光圖且陳南越
可取之宜言甚激切殷亦將開拓疆土聞其所陳甚
喜使其部將李勳將數萬衆擊南越未數月拔桂管
懼而乞盟朗州雷彥恭召吳人攻平江許德勳擊

敗之殷遣秦彥暉攻朗州彥恭奔於吳執其弟彥雄

文獻志

卷二十九

四

等七人送於梁於是澧州向瓌辰州宋鄴澱州昌師
益等率溪洞諸蠻皆附於殷殷請升朗州爲永順軍
表張佶節度使殷乃請依唐太宗故事開天冊府置
官屬太祖拜殷天冊上將軍殷以其弟竇爲左相存
爲右相廖光圖等十八人爲學士末帝時加殷武安
武昌靜江甯遠等軍節度使洪鄂四面行營都統唐
莊宗滅梁殷遣其子希範修貢京師上梁所授都統
印莊宗問洞庭廣狹希範對曰車駕南巡纔堪飲馬
爾莊宗嘉之莊宗平蜀殷大懼表求致仕莊宗下璽
書慰勞之明宗卽位遣使修貢并賀明年正月荆南

高季昌執其貢使史光憲殷遣袁詮王瓌等攻之至其城下季昌求和乃止殷初兵力尚寡與楊行密成
汭劉龔等爲敵國殷患之問策於其將高郁郁曰成
汭地狹兵寡不足爲吾患而劉龔志在五管而已楊
行密孫儒之仇雖以萬金交之不能得其懽心然尊
王仗順霸者之業也今宜內奉朝廷以求封爵而外
誇鄰敵然後退修兵農畜力而有待爾於是殷始修
貢京師然歲貢不過所產茶茗而已乃自京師至襄
唐郢復等州置邸務以賣茶其利十倍郁又諷殷鑄
鉛鐵錢以十當銅錢一又令民自造茶以通商旅而

文獻志

卷二十九

收其算歲入萬計由是地大力完

舊五代史云殷於梁貞明中爲時姑

息所求皆允累官至守太師兼中書令封楚王又上
章請依唐秦王故事乃加天策上將軍之號又請官
位內添制置靜江武甯遠等軍事皆從之既封楚
王仍請依唐諸王行臺故事置天策幕府有文苑
學士之號知詔令之名總制二十餘州自署官吏征
賦不供民間採茶並抑而買之又自鑄鉛鐵錢凡天
下商賈所賣貨入其境者祇以土產鉛鐵博易之
無餘遂至一方富盛窮極奢侈貢奉朝廷不過茶數
萬斤而已於中原賣
茶之利歲百萬計 數邀封爵天成二年請建行臺

明宗封殷楚國王有司言無封國王禮請如三公用
竹冊乃遣尚書右丞李序持節以竹冊封之殷以潭
州爲長沙府建國承制自置官屬以其弟竇爲靜江
軍節度使子希振武順軍節度使次子希聲判內外

諸軍事姚彥章爲左相許德勳爲右相李鐸爲司徒
崔穎爲司空拓拔常爲僕射馬珙爲尙書文武皆進
位諡其曾祖筠曰文肅祖正曰莊穆父元豐曰景莊
立三廟於長沙長興元年殷卒年七十九詔曰馬殷
官爵俱高無以爲贈諡曰武穆而已子希聲立

馬希聲

五代史楚世家馬希聲字若訥殷次子也殷建國以
希聲判內外諸軍事荆南高季昌聞殷將高郁素教
殷以計策而楚以疆患之嘗使謀者行閒於殷殷不
聽希聲用事謀者語希聲曰季昌聞楚用高郁大喜

文獻志

卷二十九

六

以爲亡馬氏者必郁也希聲素愚以爲然遽奪郁兵
職郁怒曰吾事君王久矣亟營西山將老焉犬子漸
大能咋人矣希聲聞之矯殷令殺郁殷老不復省事
莫知郁死是日大霧四塞殷怪之語左右曰吾嘗從
孫儒儒每殺不辜天必大霧豈馬步獄有冤死乎明
日吏以狀白殷拊膺大哭曰吾荒耄如此而殺吾勳
舊顧左右曰吾亦不久於此矣明年殷薨希聲立

五代

史補云高郁爲武穆王謀臣莊宗素聞其名及天
下且欲離閒之會武穆王使其子希範入覲莊宗以
希範年少易激發因其敷奏敏速乃撫其背曰國人
皆言馬家社稷必爲高郁所取今有子如此高郁安
得取此耶希範居常嫉郁忽聞莊宗言深以爲然及
歸告武穆請誅之武穆笑曰主上爭戰得天下能用

機數以郁資吾霸業故欲間之耳若梁朝罷王彥章兵權也蓋遭此計必至破滅今汝誅郁正落其彀中慎勿言也希範以武穆不決禍在朝夕因使誣告郁謀反而族滅之蒙按歐陽修五代史間高郁者高季昌也五代史補以間高郁為授武安靜江等軍節度唐莊宗二說不同未詳孰是

馬希範

五代史楚世家馬希範字寶規殷第四子也殷子十餘人嫡子希振長而賢其次希聲與希範同日生而

文獻志

卷二十九

希聲母袁夫人有美色希聲以母寵得立而希振棄官為道士居於家故希聲卒而希範以次立襲殷官爵封楚王清泰二年賜以弓矢冠劍天福四年加希

範天冊上將軍開府承制如殷故事

王舉天下大定錄云希範建天

策府於州城西北造天策勤政等五堂

希範好學善詩文

士廖光圖徐仲雅李臯拓拔常等十八人皆故殷時厚長者上書切諫光圖等惡之襄州安從進安州李金全叛晉高祖詔希範出兵希範遣張少敵以舟兵趨漢陽漕米五萬斛以饋軍金全等敗少敵乃旋溪

州刺史彭士然率錦獎諸蠻攻澧州希範遣劉勅劉
全明等以步卒五千擊之士然大敗勅等攻溪州士
然走獎州遣其子師曷率諸蠻酋降於勅溪州西接
牂牁兩林南通桂林象郡希範乃立銅柱為表命學

士李臯銘之

演繁露云楚王馬希範既破羣蠻自以

尺入地六尺銘誓狀於上立之庚子夏五月楚王召
銅柱記云粵以天福五年歲在庚子夏五月楚王召
天策府學士李宏臯謂曰我烈祖昭靈王漢建武十
八年平徵側於龍編樹銅柱於象浦其銘曰金人汗
出鐵馬蹄堅子孫相連九百年是知吾祖宗之慶
緒綿遠則九百九十年於南夏者乎今五溪初甯郡
帥內附古者天子銘德諸侯計功大夫稱伐必有刊
勒垂諸簡編將立標題式昭恩信敢繼前烈為吾紀
焉宏臯承教濡毫載敘厥事蓋聞牂牁境盤瓠遺
風因六子以分居入五溪而聚族上古謂之要服中

文獻志

卷二十九

八

古漸爾羈縻洎帥號精夫相名婁氏漢則宋均置吏
稍梁去就在心否臧由己勸故能歷三世傳長千萬
陸州兵布惠立威識恩知而善處無忽乘於大國亦
夫非德教之多自生簡書而可畏亦無辜於隙俄
不慮於小民所加豈知因善無何忽乘於大國亦
而動搖我王每爾含宏常加姑息漸為人失甯非入郊
圻剽掠耕桑侵暴辰澧疆吏告逼郡人失甯非入郊
孽之偶昧戢兵之法焉縱火果至自焚時晉王
子肇造丕基倚注雄德以文皇帝之徽號繼武穆王
之令謨又當昭泰眷言僻陋天降綏懷而邊鄙上庭方
振聲明命王乃以靜江軍都指揮使劉勅率諸部將
各請命王乃以靜江軍都指揮使劉勅率諸部將
付以偏師鉦鼓之聲震動溪谷彼乃棄州保險結部將
憑高唯披鳥飛謂無人到劉勅虔遵廟算密運神
機跨壑有崖臨危下瞰梯衝既合水泉無汲引之門
樵采莫通運糧乏轉輸之固甘衿甲豈暇投戈彭
師杲為父輸誠束身納款我王愍其蜀王曰古者叛
崇侯感德以歸孟獲畏而事蜀王曰古者叛
伐之服而柔之奪其財不貪其土前王曰古者叛

蒼龜吾伐叛懷柔敢無師古奪財貪地實所不爲乃
依前奏授彭士愁溪州刺史就加檢校太保諸子將
吏咸復職員錫命有差俾安其土仍頒廩粟大賑貧
民乃遷州城於平崖溪之將佐感恩向化請立柱以
誓焉於戲王者之師貴賤戰兵不染鏑士無告勞
肅清五溪震讐百越底平疆理保乂邦家爾宜無擾
耕桑無焚廬舍無害樵牧無阻川塗勿矜感激瀨飛
勿恃懸崖絕壁荷君親之厚施我不徵求感天地之
至仁爾懷甯撫苟違誠誓是昧神祇垂於子孫底爾
族類鐵碑可立敢忘賢哲之蹤銅柱堪銘願奉祖宗
之德宏臯仰遵王命謹作頌焉其詞曰昭靈鑄柱垂
英烈手執干戈征百越我王鑄柱庇黔黎指畫風雷
開五溪憑我師之險不足恃我旅爭先若平地五溪之
衆不足憑我師之輕躡如春冰溪人畏威仍感惠納質
歸明求立誓誓山川兮告
鬼神保子孫兮千萬春

於是南甯州酋長莫彥殊

率其本部十八州都雲酋長尹懷昌率其昆明等十
二部牂牁張萬濬率其夷播等七州皆附於希範希

文獻志

卷二十九

九

範作會春園嘉宴堂其費鉅萬始加賦於國中拓拔
常切諫以爲不可希範又作九龍殿以八龍繞柱自
言身一龍也是時契丹滅晉中國大亂希範牙將丁
思覲切諫希範曰先王起卒伍以攻戰而得此州倚
朝廷以制鄰敵傳國三世有地數千里養兵十萬今
天子囚辱中國無主眞霸者立功之時誠能悉國之
兵出荆襄以趨京師倡義於天下此桓文之業也柰
何耗國用而窮土木爲兒女子之樂乎希範謝之思
覲瞋目視希範曰孺子終不可教也乃扼喉而死

楚三

新錄云希範性剛愎好以誇大爲事雖去半仗而軍
國制度皆擬乘輿乃大興土功建天策府中構九龍

殿仍以沈香爲龍其數八各長百尺皆抱柱而相向
作趨捧之勢而希範坐於其間自謂一龍也每凌晨
將坐先使人焚香於龍腹中烟氣鬱然而出若口吐
焉自近古以來諸侯王之奢僭未有如此之甚者也

開運四年希範卒年四十九諡曰文昭希廣立

馬希廣

希萼希崇附

五代史楚世家馬希廣字德丕希範同母弟也希範
平生惡拓拔常諫諍常人請希範呼閭者指常曰吾
不欲見此人勿復內也乃謝絕之及臥病始思常言
以爲忠召之託以希廣希範卒常數勸希廣以位奉
其兄希萼希廣不從希萼爲朗州節度使希範之卒
希萼自朗州來奔喪希廣將劉彥瑫謀曰武陵之來

文獻志

卷二十九

十

其意不善宜出兵迎之以備非常使其解甲釋兵而
後入張少敵周廷誨曰王能與之則已不然宜早除
之希廣泣曰吾兄也焉忍殺之分國而治可也乃以
兵迎希萼於硤石止之於碧湘宮厚賂以遣之希萼
憤然而去乃遣使詣京師求封爵請置邸稱藩漢隱
帝不許降璽書慰勞講解之希萼怒送款於李景舉
兵攻長沙希廣遣劉彥瑫許可瓊等禦之彥瑫敗希
萼於僕射洲希萼去誘溪洞諸蠻寇益陽希廣遣崔
洪璉以步卒七千屯湘鄉玉潭以遏諸蠻劉彥瑫以
舟兵趨武陵攻希萼彥瑫敗於湄州希廣大懼遣使

請兵於京師漢隱帝不能出師希萼率舟兵沿江而上自號順天將軍攻岳州刺史王贇堅城不戰希萼呼贇曰吾昔約君同行今何異心乎贇曰君王兄弟不相容而責將吏異心乎願君王入長沙不傷同氣臣其敢不盡節希萼引兵去下湘鄉至長沙屯水西劉彥瑫許可瓊屯水東彭師暉登城望水西軍入白希廣曰武陵兵驕雜以蠻蠻其勢易破請令可瓊等陣山前臣以步兵三千自巴溪渡江趨岳麓後夜擊之希廣以爲可而可瓊已陰送款於希萼遂沮其議明日師暉詣可瓊計事瞋目叱之曰視汝反文在面

文獻志

卷二十九

十一

豈欲投賊乎拂衣而出急白希廣請殺之希廣不聽希萼攻長樂門牙將吳宏楊滌戰於門中希萼少衄已而許可瓊奔於希萼宏滌聞之皆潰希廣率妻子匿於慈堂明日擒之希萼見之惻然曰此鈍夫也豈能爲惡徒爲左右惑之爾顧其下曰吾欲活之如何

其下皆不對遂縊殺之

五代史補云馬希範卒判官李臯以希範同母弟希廣爲

天策府都尉撫御尤非所長大校張少敵憂之建議請立希廣庶兄武陵帥希萼且曰希萼處長負氣觀其所爲必不爲都尉之下加之在武陵九溪蠻通好往來甚歡若不爲都尉必引蠻軍爲亂幸爲思之李臯忽怒曰汝輩何知且先大王爲都尉俱爲嫡嗣不立之卻用老婢兒可知乎少敵曰國家之事不可拘以一途變而能通所以國長久也何嫡庶之云乎若明公必立都尉當妙設方略以制武陵使帖然不動乃可

不然則社稷去矣。臯愈怒，竟不從。少敵之謀，引洞溪。無可柰，何遂辭不出。長沙縊，希廣於郊外而支解。李臯自是湖南大亂，未逾年而國滅。一如少敵之言，初希瓊觀希萼，衆盛，恐懼。夜送旗鼓，乞降。希萼大喜，於是兼可瓊之衆，長驅而至。希廣素奉佛，聞之，計無所出。乃被緇衣，引羣僧，念寶勝，如來謂之禳災，頃之府廡。火起，人忽紛擾，猶念誦之聲，未輟。其慧如此，少敵憂之，良有以也。

乾祐三年，希萼自

立明年，漢隱帝崩，京師大亂。希萼遂臣於李景，景冊封希萼楚王。希萼悉以軍政任其弟希崇，希崇與楚舊將徐威、陸孟俊、魯綰等謀作亂。希萼置酒端陽門，希崇辭以疾，威等縱惡馬十餘匹，以壯士執搃隨之，突入其府，劫庫兵，縛希萼，迎希崇，以立希崇，遣彭師

文獻志

卷二十九

十一

臯廖偃囚希萼於衡山，師臯奉希萼爲衡山王。臣於

李景

陸游南唐書云：廖偃彭師臯皆楚馬殷之臣。殷子希萼與弟希崇爭國，希萼敗，見執。師臯不知

其世家：自殷時，爲將與希萼，有舊怨。希崇避殺兄名，於是命師臯幽希萼於衡山，使甘心焉。師臯歎曰：留後欲使我弑君耶？吾豈爲是哉？至衡山，偃在焉，相與護視。希萼甚謹，未嘗失人臣體。希崇意不快，復遣召希萼，歸長沙，終欲加害。偃擇勇士百人，執兵衛希萼。晝夜擊柝，以警非常。遂築行府，與師臯奉希萼爲衡山王，請命於金陵。元宗爲希崇懼，亦請命於景。景遣出師，定楚亂。希萼遂入朝。

邊鎬入楚，盡遷馬氏之族於金陵。時周廣順元年也。

五代史：十國世家：年譜云：馬氏據湖湘，故事九國志。運歷圖並云：殷以長興元年卒，是歲子希聲立，長興三年卒。而五代舊史：殷列傳云：殷以長興二年卒。享年七十八。子希聲立，不周歲而卒。明宗本紀：長興元年，書除節度使，起復三年八月，又書：希聲卒。今據九國志：殷以大中六年歲在壬申，生享年七十九。

蓋自大中壬申至長興元年庚寅實七十九年為得
其實而希聲據湖湘故事九國志運歷圖皆以三年
卒與明宗本紀皆合不疑惟舊史書殷卒二年及年
七十八希聲立不周歲卒為繆耳希尊希崇之亂南
唐盡遷馬氏之族歸於金陵五代舊史云時廣順元
年也而運歷圖云乾祐二年馬氏滅者繆也初殷入
湖南掘地得石識云龍起頭豬掉尾蓋殷以乾甯三
年歲在丙辰自立於湖南至廣順元年辛亥而滅九
國志以乾祐三年為辛亥湖湘故事以顯德
元年為辛亥者皆繆也惟五代舊史得其實 景封希

尊楚王居洪州希崇領舒州節度使居揚州顯德三
年世宗征淮下揚州下詔撫安馬氏子孫已而揚州
復入於景希崇率其兄弟十七人歸京師拜右羽林
統軍希能左屯衛大將軍希貫右千牛衛大將軍希
隱希濬希知希朗皆為節度行軍司馬

文獻志

卷二十九

馬竇

十國春秋馬竇武穆王弟也性沈勇知書史初從秦
宗權於淮西為盜已又事孫儒為百勝指揮使儒敗
竇為吳兵所執吳武忠王收儒餘兵號黑雲都署竇
指揮使竇從吳武忠王數有功未嘗自矜新唐書云與錢鏐戰
數有功夜臥常有光怪武忠王心愛之從容問竇誰家
子竇曰馬殷弟也武忠王大驚曰汝兄貴矣吾今歸
汝可乎竇不對他日又問之竇泣謝曰臣孫儒敗卒
幸公待以不死非殺身不足報湖南鄰境朝夕聞殷
動靜足矣不願去也武忠王嘆曰昔吾愛子之貌今

吾得子之心矣然勉爲吾合二國歡通商賈易有無以相資亦所以報我也厚禮遣竇歸武穆王殊出望外大喜表竇武安節度副使居久之武穆王議入貢天子竇曰楊王地廣兵強與吾郡接不若與之結好大則緩急可援小亦通利商旅武穆王作色曰楊王不事天子一旦朝廷致討罪且及吾汝休矣當置此論勿道開平末武穆王開天策府以竇爲左相俄爲朗州留後尋拜永順軍節度使同平章事天成初武穆王建楚國改竇靜江軍節度觀察使唐明宗制曰爾竇名尊四輔位冠三師旣非品秩升遷難以井田增

文獻志

卷二十九

十四

益時人以爲多溢語云

北夢瑣言以竇爲爾未詳是非

馬存

十國春秋馬存亦武穆王弟從武穆王征討積功至永州刺史開平中會靜江節度使李瓊卒武穆王以存知桂州事已而王開天策府命存爲右相未幾領永順軍節度使送王女於廣南後數年攻吳上高俘獲有功無何卒

馬希杲

十國春秋馬希杲武穆王子也文昭王時累官靜江節度使同平章事希杲有善政監軍裴仁煦數讒其

短於王且言希杲收衆心不圖將有尾大之患王心動會南漢侵蒙桂二州文昭王自將兵詣桂州希杲不自安屬母華夫人逆王于全義嶺謝曰希杲爲治無狀致寇戎入境辱殿下親涉險阻皆妾罪也願削封邑洒掃掖庭以贖希杲罪王曰吾久不見希杲聞其治行尤異故來省之無他也頃之漢兵引去徙希杲知朗州仍領靜江節鎮如故久之加侍中後十年希杲復得朗人心文昭王數數令人伺動靜希杲愈益懼稱疾求歸不許俄遣醫視疾因酖殺焉人莫不悲之

文獻志

卷二十九

十五

元

張榮

子奴婢孫君佐附

元史列傳張榮清州人後徙鄆陵歲甲戌從金太保

明安降

廿二史攷異云按石抹明安仕金未嘗爲太保此云太保誤

太祖賜虎符

授懷遠大將軍元帥左都監乙亥正月奉旨略東平益都諸郡戊寅領軍匠從太祖征西域諸國庚辰八月至西域莫蘭河不能涉太祖召問濟河之策榮請造舟太祖復問舟卒難成濟師當在何時榮請以一月爲期乃督工匠造船百艘遂濟河太祖嘉其能而賞其功賜名兀速赤癸未七月陞鎮國上將軍砲水

手元帥甲申七月從征河西乙酉從征關西五路十月攻鳳翔砲傷右髀帝命賜銀三十錠養病於雲內州庚寅七月卒年七十三子奴婢襲佩虎符砲水手元帥領諸色軍匠太祖伐金命由關西小口收附金昌州等郡乙未金亡戊戌授懷遠大將軍癸卯三月陞輔國大將軍甲辰二月領蒙古漢軍守均州戊申九月宋兵襲均州奴婢拒戰大敗宋師己酉十一月復與宋兵戰流矢中右臂中統三年卒年七十五子君佐襲佩虎符砲水手元帥戊蔡州五年都元帥阿朮命將砲手兵攻襄陽至元八年調守襄陽一字城

橐駝嶺攻南門牛角堡破之攻樊城親立炮摧其角樓樊城破十年襄陽降參政阿魯海牙以宋降將呂文煥入朝奉旨召蒙古漢人萬戶凡二十人陞見各以功受賜帝親諭之令還鎮十一年從軍下漢江至沙洋丞相伯顏命率砲手軍攻其北面火砲焚城中民舍幾盡遂破之賜以良馬金鞍金段又以火砲攻陽邏堡破之十二年從大軍與宋將孫虎臣戰於丁家洲復從丞相阿朮攻揚州是年冬又從諸軍破常州十三年陞懷遠大將軍仍砲水手元帥秋君佐屯軍真揚間絕宋糧道宋制置李庭芝都統姜才棄城

走揚州平以君佐爲安慶府安撫司軍民達魯花赤十四年春安慶野人原及司空山天堂賊將攻安慶君佐密察知之時城中軍僅數百人君佐命搃賊出沒要道賊不敢入乃寇黃州行省命君佐率衆復黃州因以爲黃州達魯花赤十五年加鎮國上將軍仍砲水手元帥十九年命率新附漢軍萬人修膠西閘壩以通漕運二十一年兼海道運糧事是年卒

國朝

周奇

續志周奇字天贊順治初應募由行伍屢建戰功累

文獻志

卷二十九

十七

任至陝西張家灣副將

隱逸

漢

庾乘

後漢書郭泰傳庾乘字世遊

古今姓氏書辨證云庾古者倉氏庾氏之後子

孫以世官爲族

潁川鄆陵人也

元和姓纂云庾氏後漢始居潁川

少給事縣

庭爲門士

章懷太子註士卽門卒

林宗見而拔之勸游學宮遂

爲諸生傭後能講論自以卑第每處下坐諸生博士皆就讐問由是學中以坐下爲貴徵辟並不起號以

徵君

古今姓氏書辨證云庾乘司徒辟有道徵不就二子疑遁元和姓纂云魏襄城令庾乘蒙按乘

不應徵辟謂官
襄城令者誤也

吳仲山

施志吳仲山潁川鄢陵人少立名節約身立已不貪
仕進德美布惠遠近假求不逆人意鄉里化之府縣
徵辟不就卒年八十熹平元年立碑記德碑載金石
志

晉

庾道

新纂庾道字德先

蒙按庾氏譜古今姓氏書辨證俱
作庾遁晉書作庾道以字德先證

之疑道為是遁蓋因
字形相近而譌耳

乘次子也廉退貞固養志不仕

文獻志

卷二十九

十八

牛馬有踉齧者恐傷人不貨於市賜拜大中大夫允
嗣克昌為世盛門侍中峻河南尹純皆道之子豫州
牧長史顗道之孫太尉文康公亮司空冰皆道之曾

孫貴達至今

本晉書庾峻傳及三
國志註引庾氏譜

梁

庾承先

南史隱逸傳庾承先字子通

太平御覽引珠囊
云庾承先字崇光潁川

鄢陵人也少沈靜有志操是非不涉於言喜愠不形
於色人莫能窺也弱歲受學於南陽劉虬強記敏識
出於羣輩九流七略咸所精鍊

太平御覽引珠囊云
庾承先幼聰悟博極

羣書時處士劉宏碩學尤明老莊隱於荊州之沙州
承先帥之講習多所該究家貧無書每事假借一覽
便誦辟功曹不就乃與道士王僧鎮同游衡岳晚以弟

疾還鄉里遂居士臺山梁鄱陽忠烈王在州欽其風
味要與游處令講老子遠近名僧咸來赴集論難蠡

起異端競至承先徐相酬答皆得所未聞忠烈王尤

所欽重

梁書處士傳云忠烈王徵荊州主簿
湘東王聞之板爲法曹參軍並不赴

中大通

三年廬山劉慧斐至荊州承先與之有舊往從之荆
峽學徒因請承先講老子湘東王親命駕臨聽論議
終日留連月餘乃還山王親祖道并贈篇什隱者美
之斯年卒

梁書處士傳云
卒時年六十

刺史厚有贈賻門人黃士

文獻志

卷二十九

十九

龍讓曰先生平素食不求飽衣不求輕凡有贈遺皆
無所受臨終之日誠約家門薄棺周形巾褐爲斂雖
蒙賚及不敢輕承教旨以違平生之操錢布輒付使
反時論高之

五代

馬希振

十國春秋馬希振武穆王嫡長子也歷官至武順節
度使加侍中工詩句耽吟咏常延詩僧虛中於齋閣
酬答不厭築別墅憩息以爲樂虛中常題其池亭云
嘉魚在深處幽鳥立多時蓋紀其實也衡陽王故希

明 振庶弟用母寵得立希振遂棄官爲道士清泰中卒

王玉

經志王玉字藍田積學能文數就鄉試不中乃隱於酒會當歲貢玉卽以讓同學蘇登督學高其義以金帛貺之不受嘯傲林莽引滿自娛以終

梁棖

新纂梁棖字林泉質任自然不設城府事親極孝嘗失偶棖親調羹以供父母而自哺其幼子如慈母生長鄉曲終身未嘗跡涉公廨性愛飲酒親友相接輒

文獻志

卷二十九

二十

飲醞醪好善樂施值凶年饑歲凡行乞之徒無論老幼男女無不遂欲給求是以行乞之徒始則望門至止繼則過門不入久則遙望屏跡棖逝遠近聞之莫不嘆息行乞之徒有株守其門而哭者棖之生平大概可覩矣

本經志及王章所撰傳

劉資生

新纂劉資生字石門南康太守巡少子大司寇劼季孫也少處貴介不慕榮利旣更內外喪舍城市居杜郎村栽花蒔竹作南北兩園牡丹芍藥以萬計其他松桂梅竹建蘭茉莉不憚遠致於數千里外一時稱

爲名園資生廉靜有特操任眞自得口不臧否人物
繩牀竹几茗椀香爐錯落林木閒客至欣然具鷄黍
性好菊秋深黃花滿畦無日無客無客不醉有陶元
亮之風崇禎辛巳卒年六十六子升鄉諸生
本韓程愈撰傳
及施志

國朝

梁廷援

施志梁廷援字以道尙氣節工詩文明太學生入
國朝隱居邑南伏村茅舍竹籬嘯歌自適泗上閻古古
睥睨一世無當意者凡三至鄆皆主於其家嘗有題

文獻志

卷二十九

二十一

伏村別墅詩云知己天涯原自少河南獨有四松堂
四松堂者以道所居之處也其推重如此以隱遯終
其身學者稱爲伏村先生著有四松堂集

鄭芑

新纂鄭芑字公任號香山大中丞二陽次子性孝友
博學多識明廩監生 國朝隱居不仕卒年八十
六著有螺庵詩集
本吳志

藝術

明

鄭富

孫志鄭富字景豐少攻岐黃業精於診視迎者無虛
日子詔評亦皆以醫著名

陳美

孫志陳美字宗善自少工畫與蘭陽張世祿同時知
名天趣過之

陳西坡

經志陳西坡忘其名工於畫氣韻清疎有士大夫風
致大中丞陳棐嘗賦詩贈之

國朝

王子相

文獻志

卷二十九

二十一

施志王子相字公俊嘗讀書村中夜有少女叩門子
相正辭拒之貧不得志乃究心痘疹立志濟人每當
痘疹盛行不辭風雨四十年待子相以生者甚衆仍
清貧自守不受贊謝年八十餘卒

蘇琮

世德錄蘇琮字重生永年令守範孫精岐黃以濟世
爲心康熙末時疫大作延請甚衆多所全活邑令孫
國璽獎之

陳國英

吳志陳國英字聖育太學生賦性質樸精岐黃常自

製藥以濟人間里稱爲有恆善士壽至七十有八子
文耀

王志恆

吳志王志恆善治小兒痘疹凡有謝儀概卻之以高
壽終

蘇廷臣

吳志蘇廷臣字文林精青囊術當癘疫流行時聘之
者踵相接所至全活甚衆

展湧

新纂展湧字隆江精繪事花卉人物尤所擅長

蘇林
生採

文獻志

卷二十九

二十三

訪

蘇慎修

新纂蘇慎修字欽哉善畫魚鱗甲生動妙有天趣嘉

慶二年卒年五十二

司潤楠
採訪